

ثابرات ن بُولوس إِيْلِيْمُون

¹بُولوس، أمْحُبوس ن لَمَسِيح يَشُو ذ ناوَمات ثِيْموثِيُو، إِيْلِيْمُون إِيْعِيْرَن ذ وُخْدَام أَكِيْدَنغ، ذ وُتْشَمَانِغ أَبِيْمِيَا إِيْعِيْرَن، ذ وُمِجَاهَد نَغ أَرْخِيْبُوس ذ ثِمَسْمُونَت ذِي نَادَارْت نَك: ³تِيْعَمْت ذ رَهْنَا أَكِيْدُوم إِيْرِن زِي أَرَبِي، بابانغ وُزِي يَشُو لَمَسِيح سِيْدِيْنغ.

⁴نَش تَقَاذِيْغ أَرَبِي إِنْو، أَم ذَايُوم تَفْكَارَغ رِبْدَا ذِي تَرَاذِجِيْت إِنْو، ⁵مِيْنَزِي نَش تَسْرِيْغ خ ثَايْرِي ذ لَإِيْمَان نُوْم إِيْ ذَايُوم إِيْدِجَان إِيْسِيْذِي يَشُو وُورَا إِيْ مَارَا إِمَقْدَاسِن، ⁶حِيْمَا أَمُوْنِي نُوْم ذِي لَإِيْمَان أَدْ ثَكْمَا نِيْشَان ذِي ثُمُوسِنَا ن مَارَا رُخَار إِيْ ذَايْنِغ إِيْدِجَان ذِي لَمَسِيح يَشُو. ⁷نَشِيْن أَقَا غَارِنِغ رَفْرَاْحْت ذ وُفُوْج أَطَاس زِي سَبِيْت ن ثَايْرِي نُوْم، مِيْنَزِي شَك، أ ثَاوَمَات، أَقَا نَسَارِيْحَذ وُور ن إِمَقْدَاسِن.

⁸س وُيْنِي، وَاخْنَا نَش غَارِي ثَارِيَاْسْت أَطَاس ذِي لَمَسِيح حِيْمَا أَدْ شَك وُموْرغ مِيْن إِيْشُوْوَارِن، ⁹مَاشَا أَقَا نَش ذِي سَبِيْت ن ثَايْرِي، غَارِي حَسَن أَدْ زَايِك تَارَغ. وُومي نَش أَمُو إِيْ دَجِيْغ، أَقَايِي ذِي أُوْسَار وُشَا رُخُو عَاوُذ ذِي أَمْحُبُوس ن لَمَسِيح يَشُو، ¹⁰نَش تَارِيْغ أَش-د خ مِيْ وُئِيْسِيْمُوس، وُئِي ذِي جِيْغ ذِي سَنَاسِر ذَا ذِي رَحْبَس، ¹¹وُئِي ثُوْغَا وَار شَك إِنْغَعِن زِيْش، مَاشَا رُخُو أَقَا إِنْغَع إِيْ شَك وُ إِنْغَع أَيِي. ¹²نَش أَقَا أَرِيْغ أَش-ث-يِد ذِي وُور إِنْو. ¹³نَش مَرِي وُفِيْغ إِيْرِي أَقَا جِيْغ ث ذَايِنَا أَكِيْذِي مَاحِنْدَا أَدْ خَافِي إِيْسَخَار ذَكْ وُمَشَان نَكْ مِيْن ذَا غَا كَغ ذِي سَنَاسِر خ سَبِيْت ن رُخْبَار أَصْبَحَان. ¹⁴مَاشَا نَش وَار خَسْغ شَا أَدْ كَغ وَالُو نَبْرَا تَسْرِيْج نَكْ، حِيْمَا نَشُوْنِي إِيْ تَكِيْذ أَدْ ثِيْرِي س رُخَاضَار، وَار إِيْدِجِي س وُغِيْر. ¹⁵مِيْنَزِي أَتَاغ ثُوْغَا إِمَسْبُضَا خَاك إِيْ ذُرُوس ن رُوْقْت حِيْمَا أَدْ غَارِك يِيْرِي عَاوُذ إِيْرِبْدَا، ¹⁶وَار إِيْدِجِي عَاذَا أَمَشْنَاو إِيْسَمِغ، مَاشَا أَمَشْنَاو إِيْحِن إِيْدِجَان كَثَار زَكْ إِيْسَمِغ، أَم ثَاوَمَات إِيْعِيْرَن، إِيْ نَش بَعْدَا، مَاهُو إِيْ شَك، ذَكْ وُئِيْشُوْم وُورَا ذِي أَرَبِي. ¹⁷مَارَا تَحْسَبْذ أَيِي ذِي أَمْعَاشَار نَكْ، قَبْرَاث أَمَشْنَاو نَش. ¹⁸مَارَا نَتَا ثُوْغَا إِيْضَارِي شَك نِيْغ زَعْمَا ذَايَس أَمَارُوَاس، أَكْثَا إِيْ خَافِي! ¹⁹نَش، بُولُوس، وُريْغ س وُفُوس إِنْو، أَقَا أَدْ ثَا خَدَجِصْغ، مَاحِنْدَا وَار قَارَغ شَا، أَقَا وُورَا ذِي شَك ثُتُورَسْذ أَيِي إِيْخَف نَكْ. ²⁰وَاه، أ ثَاوَمَات إِيْعِيْرَن، أَج أَيِي أَدْ زَايِك أَرَبِيْغ ذِي طُوع ن سِيْذِي، سَارِيْج وُور إِنْو. ²¹نَش تَارِيْغ أَش-د، أَم تِيْغَع مَاحِنْدَا أَدْ تَطَاعْذ وُشَا نَش سَنِغ أَقَا شَك أَدْ تَكْذ مَاهُو مِيْن ذَا إِيْ غَا إِيْغ.

²²سُوْجْذ أَيِي أَمَشَان مَانِي إِيْ غَا زَدِغِغ، مِيْنَزِي سَبِيْشِيْمِغ أَدْ غَارُوْم-د ذُورَغ س تَرَاذِجِيْت نُوْم. ²³إِيْبَاْفِرَاس وُئِي أَكِيْذِي ذَا ذِي رَحْبَس ذِي لَمَسِيح يَشُو، أَقَا إِيْسَدِجِم خَاك، ²⁴وُورَا ذِي مَارْكَو ذِي إِيْسْتَارْخُوس ذِي ذِيْمَاس ذِي لُوْكََا إِيْئِي إِيْخَدْمِن أَكِيْذِي. ²⁵تِيْعَمْت ن سِيْذِيْشِيْغ يَشُو لَمَسِيح أَدْ كِيُوم ثِيْرِي!